


Sebija Izetbegović  
Zastupnica u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo



n/r Predsjedavajućeg Skupštine Kantona Sarajevo

Uputiti: Ministarstvu zdravstva Kantona Sarajevo, Klinički centar Univerziteta u Sarajevu i JU Opća bolnica „Prim. dr. Abdulah Nakaš“.

### **PREDMET: Nabavka softvera i medicinske opreme**

Poštovani,

Cijeneći informacije koje ukazuju na moguće dupliranje nabavki medicinske opreme i softverskih rješenja u zdravstvenim ustanovama, a posebno u oblasti patologije, u skladu sa Poslovníkom Skupštine Kantona Sarajevo upućujem sljedeća zastupnička pitanja:

#### **I. NABAVKA SOFTVERA I OPREME**

1. Koja medicinska oprema i softverska rješenja su nabavljena za potrebe patologije u Klinički centar Univerziteta u Sarajevu i općim bolnicama u posljednjih pet godina?
2. Molim da se dostavi pregled: vrste opreme i softvera, godine nabavke, vrijednosti ugovora, dobavljača, izvora finansiranja.
3. Da li je prije pokretanja novih postupaka nabavke izvršena analiza postojeće opreme i softverskih sistema koji su već u funkciji?
4. Da li su nabavljani novi softveri i aparatura uprkos činjenici da ista ili slična oprema već postoji u zdravstvenim ustanovama?
5. Ko je vršio procjenu opravdanosti novih nabavki?
6. Da li postoji jedinstven informacioni pregled postojeće medicinske opreme i softverskih sistema u javnim zdravstvenim ustanovama Kantona Sarajevo?
7. Da li je Ministarstvo zdravstva Kantona Sarajevo izvršilo nadzor ili reviziju opravdanosti nabavki u oblasti patologije?

#### **II. PLANIRANJE I KONTROLA INVESTICIJA**

1. Na osnovu kojih kriterija se planiraju investicije u oblasti patologije?
2. Da li postoji procjena iskorištenosti postojeće opreme prije pokretanja novih postupaka javnih nabavki?
3. Da li su utvrđeni slučajevi neiskorištene ili nedovoljno korištene medicinske opreme i softvera?
4. Ko je odgovoran za koordinaciju i racionalizaciju nabavki između zdravstvenih ustanova?
5. Da li postoje indikatori koji ukazuju na moguće neracionalno trošenje javnih sredstava kroz višestruke ili nepotrebne nabavke?

#### **ZAKLJUČAK**

Javna sredstva namijenjena zdravstvenom sistemu moraju se koristiti racionalno, planski i u skladu sa stvarnim potrebama zdravstvenih ustanova i građana.

Posebno zabrinjavaju informacije koje ukazuju da se u pojedinim segmentima zdravstvenog sistema nabavljaju novi softveri i medicinska oprema uprkos činjenici da slični sistemi i aparatura već postoje i nalaze se u upotrebi.

Zbog toga je neophodno izvršiti detaljnu analizu opravdanosti ulaganja, iskorištenosti postojeće opreme i odgovornosti za planiranje i provođenje nabavki.

S poštovanjem,

Sebija Izetbegović

Zastupnik

